

榮縣志卷二十八

政績志

政績

書云三載考績謂居官者必有政績可觀乃為克稱厥職舊志修於嘉慶中載政績頗詳距今三十餘年矣其中更有為輿論所稱誦能指其實際者倘及今不書焉知再閱數十年後傳聞者不失其真耶志政績

唐樊倬榮州都督累官益州大都督府司馬兼蜀州防禦使蘇頌典制誥時其授益州司馬制文有云前守榮州都督早負文詞累遷省闈頃揚才智受任軍州敏以邀功斷而臨事峩眉作鎮蠶靈開國惟巴蜀位險接西南之夷式遏撫循尤擇時望見文苑英華

榮縣志

卷二十八

政績志

政績

一

馮昭泰

字遇聖長樂人起家左奉裕累調榮州長史屬城慢法按而繩之入計會府讐家橫訟明較杖

其愬者遷宋司馬積階至睦州刺史復以羣小譖貶榮州司馬砥節荒服旋除温州長史俄拜括州刺史景龍中卒見張燕公文集

宋王明

乾德初太祖詔舉清白吏有才幹者一人給事中馬士元以王明應授左拾遺知榮州

李虛己

知榮州太祖書布惠愛民奉法除奸八字賜之虛己兼工詩有雅正集三十卷

劉蔚

開寶三年以祕書丞知榮州時前應靈令平陽勾延慶昌裔著有錦里耆舊傳蔚謂其詞蕪穢請延

慶修之改曰成都理亂記天成之後別加編次起咸通九年迄乾德四年百餘年閒蜀事大略具矣見直齋書錄解題

丁處榮

富順人咸平閒王均叛處榮備牛酒與宴即席擒之詔擢榮州長史

李旼

華陽人淳化進士初為國子監直講諸生晨謁見旼巾角火起是日報除榮州明道閒還朝力言榮



州鹽害得捐歲額三十萬觔榮人德之名其止曰來蘇今鄉名來蘇本此所著歌詩雜文及谷子總百卷張乖崖語錄四卷

羅拯 祥符人進士神宗朝知榮州州介兩江每水漲輒犯城郭拯作東西二堤除其患累官天章閣待制

徙知永興軍歷青穎秦三州見宋史

陳希亮 其先京兆人徙青神又遷洛陽登天聖進士累官至太常少卿以自劾西京致仕嘉祐中嘗判

三司戶部兼開拆司榮州鬻鹽凡十八井歲久澹竭有司責課如初民破產籍沒者三百餘家希亮為言

還其籍歲捐三十餘萬觔見宋史

王淮 鄭人父求進士熙寧中知平羗縣事有譽於時淮亦舉進士仕至榮州刺史退休三十年清節大著

見一統志龍御寺題名

晁公武 字子止鉅野人冲之子也以薦為四川總領財賦司幹辦公事累官敷文閣直學士所著有

榮縣志 卷三十八 政績志 二

昭德集昭德者晁氏京師所居賜坊也故其子孫以之名集紹興二十一年嘗以侍郎改刺榮州重建環

城石橋四工二萬有奇摩崖紀事今尚存惜剝泐不可卒讀公武家富藏書又得南陽公書五十篋守榮

州日著有晁氏郡齋讀書志見宋詩紀事書錄解題

李燾 字仁甫丹稜人紹興進士調華陽簿再調雅州推官改知雙流制置王剛中辟幹辦公事知榮州榮

因溪為隍夏秋率苦水潦燾築防禦之累官至敷文閣學士兼侍講同修國史卒諡文簡在官口所薦引

如呂祖謙尤袤皆一時名士所著有長編五經傳授尚書百篇圖大傳雜說四朝史藁南北攻守錄七十

二侯圖江左方鎮年表晉齊本支五代將帥年表合數十百卷見宋史周益公集

張价 淳熙閒知榮州崇尚風教清介卓立有興學講道之功諸生塑像於學宮見總志

楊仲修 臨邛人淳熙閒為榮德縣令與士大夫李昌齡等九人議政明道提刑張孝方稱其有美政焉

見宋題名



楊高 夾江人領榮州刺史道學為儒者宗

薛仲邕 奏請賜年高有德者冠帶

宋中和 廉勤節儉為西蜀循吏第見省志

呂文修 崇文興學

袁桂 立雁塔於學宮題榮進士一百五十五人

李鼎漢 凡事務從寬恕民皆安業

宇文昌齡 雙流人進士為榮州推官熊本經制梓夔郡凡攻討招集建南平諸城砦皆出其經画後

召為左司員外郎

劉儀鳳 言論氣節卓有可紀徵為集賢修撰

張頤 官助教進所藏書二百二十一卷祕書官言此皆闕遺之書乞加褒賞詔賜進士出身見總志

榮縣志 卷三十八 政績志 三

明曹必才 州人刻公像於城東羅漢寺崖壁題曰塑

馬公輔 洪武初為榮州判官偽夏王明昇甫降兵燹後創置一切動合機宜見明史

孔克宜 至聖五十五代孫有德政二子居於榮

馬福 修葺縣治

朱如魯 時邑坐胡子昭累如魯力為申理免籍沒者甚眾尤多惠政

雷震 下車數月不發一言既而政令大行明敏不滯豪奸屏跡一邑肅然

尹士恭 有德政

王昱 政多惠愛

劉達 有德政

鮑圭 修城郭



張隆 崇節尚

楊鳳 廉靜

毛秀 學校

李銳 賑饑有方

熊大輅 字用商 號心齋 造土愛民 教養兼 盡比去邑人 爲建生祠 肖像以祀

劉軒 清介

李石嶺 得政

張九思 多興置 陞夔州府通 判去後民爲立祠

樂繼國 修建 城南安聚橋 有遺愛碑

張接武 文廟 移建

榮縣志 卷三十八 政績志 政績 四

黃儒 愛民造土 升任時父老泣送 並立去思碑於西南門外

秦民湯 崇禎中流賊犯 榮盡節蓮花寺

周宗濂 弭盜救荒 民頌之

樊資 縣典史修城捕盜 救荒 有記

馬如圮 縣典史明末流 寇陷榮死之

鍾誠 縣教諭誠心教 人未嘗言利

王永 縣教諭以三易授諸生 以八法啟字 興置學田循循善誘

謝聘 縣教諭循循善誘 興置學田升任去

劉朝用 縣教諭署縣事 八月修葺學校增廣 學田慈祥愷升任時士民垂泣

國朝劉應時 博雅多著述 優於造土



蔺松 廩生康熙中知榮縣

荆喬蕃 時吳藩僭竊榮幸安堵設法交廟未成而解組去

易其極 縣志

陳士獻 教養兼至比去為生祠以祀之

王澤 重建明倫堂碑記存

李鏞 作育人才故前明察院行墓為鳳鳴書院至今因之

王國相 捐俸買鳳栖山為義塚並古佛寺常在田

黃大本 知榮縣十二年多所建置如繕城葺書院清義塚修縣志令民掘塘築堰士民至今稱之

李南暉 字青峯愛民造士守正不阿後以病歸適逆回不靖公率家人巷戰死之事聞奉旨卹如例

贈太僕寺卿

榮縣志 卷二十八 政績志 五

許源 字雁泉增書院膏火修豎考棚十年中凡遇歲旱虔禱榮梨山輒應性情和平尤喜提携寒畯

周宏濂 體恤民隱除暴安良

宮鑑桂 字補亭雲南昆明拔貢由教諭以軍功陞知縣嘉慶十八年任建書院設義學舉賓興禮作訓

民俚語

趙時 號及菴內嚴外寬廣置義學崇重師儒能斷積年巨案解組後任榮數月士民多送薪米至今

邑人思之

陳長壙 為碾運軍米買穀還倉捐銀八百兩

張敬書 貢井縣丞嘉惠旭川書院頗得士民心

李醇信 縣教諭樸訥少言沈酣經史自題聯云不因祿薄常生事且喜身閑再讀書去後人多思之

王志灼 字深厚啟廸諸生娓娓不倦



馮大榮 縣典史操守廉潔辦事細心

王培荀 號雪嶠經術湛深識解超卓凡閣生童課卷不憚斧削講解邑文風自此大振公餘輒以讀書

著述為樂刻有管見舉隅四卷寓蜀草四卷又集有聽雨樓隨筆十卷纂修邑志六卷更與山長諸生倡

和都為一集名吟社詩鈔風流儒雅傾倒一時

洪瞻陛 字雨齋為政簡靜聽斷明允先是邑中社倉收歸士民辦理山是民沾實惠社首亦免貶累至今社

穀貽利無窮皆侯倡始之功居多捐廉助賞人才因之輩出至於嚴絕苞苴剷除奸蠹案無留牘獄無冤

民尤難殫述年餘去任士民懷之為立去思碑頌曰善用力者無赫赫功善為政者無烈烈風公固循良

不矜施濟士習民風日新月異裕我倉廩振我文章我公之德沒世不忘及聞

其卒祀木主於穀神祠

姚寶銘 號藍坡履任後示政約二十條大要懲奸刁屏

供應清衙蠹整團練皆切時務坐堂皇視事觀

榮

縣志

卷二十八

政績志

政績

六

聽如堵不之禁課土捐廉加賞與生童講晰娓娓不倦

倦聘山長不徇上司之薦務求己所信者邑有闕

欸上憲札提侯據紳民稟懇留作地方公費申覆又

慮保甲團練勸捐不敷支用諭買社倉息穀濟倉餘

由是公事舉而通邑無派累次年正月去任雖在官

僅百餘日而頌聲載道聞其去皆嘆息甚有泣下者

競為立去思碑以志其德頌曰矯矯元之公其後身

仁慈如佛威重如神公來何遲公去何速德動四民

官居百日民懷眾母士慶名師公身雖去公德常貽

劉齊衢 號綺田德氣睟然與士民相見如家人事關地

團練每校閱不惜捐廉優賞以故人咸奮武戶盡鑄

兵李太守來闕嘉歎久之在任幾年舉事無所變

更亦無奇功可見而士悅其德民服其化如子弟之

從父兄性尤謙退嘗謂案牘紛紜日在過中而不覺

有送萬民繳德政匾者皆峻拒之將去任時士民約

遮道餞行末五鼓單車馳去比至鄉市迎餞者相望

或至泣下侯亦哽咽不能聲土民相與立去思碑頌

曰公心慈厚公性謙冲如夏之甫如春之風保我疆



宇穀我士女德重榮山恩流旭水甘棠  
思召黍苗思郇公車不復悠悠我心

宋恆山

號紫臨政尚寬簡凡懲奸剔弊布惠恤刑善政  
無不舉邑中命案諸費向派鄉鄰胥役乘奸魚

肉民多蕩產侯捐廉屏除一切為酌條規頒示四鄉  
一洗從前積弊值歲歉斗米千錢請於上司減價糶  
社穀三分之一活民無算公項積有贏餘慮其日久  
弊生諭紳糧買田收租以資公用民有爭訟隨訛隨  
結無留贖相驗不用跟役行廚間里無絲毫擾卸任  
時猶捐廉聘山長廣學儲材將去邀邑紳作平原十  
日飲官民俱依戀不能舍為立碑於姚洪劉三尹之  
次作屋宇覆之號清官亭頌曰漢宏唐璟吏治兼長  
得公繼美可號三良清慎勤明談何容易公任一年  
公量百世性非嗜酒樂與人同飲和食德長懷醉翁  
羅廷權號鑑平庚申滇匪李藍二逆倡亂往來縣南一  
守禦計日到四門稽察出入及賊近令士民乘城親  
自巡視常數十夜不寐綜理精核布置有方其有德  
匪淺者

榮縣志

卷三十八

政績志

政績

七

國

璋號子達性慈祥善聽斷甫下車即令代書錄訟  
師名尤不時躬親私訪奸宄遂斂跡嘗于除夕

發米賑濟其培武廟禁演戲俱有神風化且於汪家  
州摩崖書忍氣二字跋詞勸民息訟令人興起焉

謝伯春

號藹庭宅心仁厚丰度端凝為政持大體邑生  
童膏火向歸房書經管年久幾不繼侯為立案

附局用期杜弊垂遠又凡戒責手心舊有橙以實其  
下慘酷難堪侯曰國家自有常刑焉用此令去之暨

奉督憲飭立訟費衙規侯集紳糧照章議覆十六條  
鐫碑城隍廟及留別詩有句云讀書漫道為官好養

子方知作母難其慈惠之心已可概見頌曰公懷淡  
定慈惠為師慎求刑允清恐人知留渾樸風絕苞苴

路愛士愛民同其好惡名追太傅  
政媿宣城公歸于洛公德在榮

徐傳善

號春瀟性愷悌胸次光明尤神於聽斷凡手判  
案件兩造無不折服邑地丁胥吏浮征流弊頗

重公為酌定章請大府俾一持平鑄碑以垂久遠署  
內丁差公幹夫馬誓不妄用局錢比舊省支過半復  
論紳糧捐助稅底置業收租作為育嬰恤廢費用其  
他月課加獎賓興助卷施衣藥以濟貧病諸惠政不



一而足瓜代後邑人感公德擬設長生位於穀神祠  
與洪公雨薈後先媲美繼思城外羅漢寺乃侯判歸  
同善局以其息作嬰釐費者因卽寺中建龕撰有生  
祠記並立去思碑頌曰惟我徐公樂只君子同好同  
惡士民仰止如鑑斯清如衡斯平折獄惟允用治輿  
情利普大同弊除已甚惟克果斷澆漓自靖隨車雨  
澤載路口碑公來  
羣喜公去羣思

榮縣志

卷二十八

政績志

政績

八